

CHIBOTIK EZ

DIRU gosia ez da bart arratzian sortutako gaitza.
Eta gaitz au da berriz sendagairik orrentzako sortu ez dana oraindik.

Sendakaikintza edo botiketan guztitako sendagayak izaten dira; onentzako ez.

Lenago diru gosia bazan; orain aundiagua.

¿Nola ez bada?.

Ni chikiya nitzala ara nolako erozketak egiten nituben aitaren isilik:

—Ardit baten zigarruak: erdiyak abanillo loriyak, beste erdiyak mistuak..... eta pošporo bat *faorez*.

Eta guztiya ardit batekin.

Orain berriz, banku'ko chartel edo billetia ez baldin badama, ezin sartu liteke bat, zigarruak saltzen diran denda oyetako batian.

¿Nork ditu berriz, gaurko egunian, orlako chartelak?

Lenago berriz arditak edozeñek bazitun.

Emen bertan egiten ziran asko ta.

Pello-Españ zanak itz egin al balezake esango luke.

Ontzi zarretako urraida edo kobre puskak chikitu, ta *lau raure* esanaz ardita egiña zegoen.

Batzubek iru ertzekuak, laukuak, bostekuak..... Biribillak guchiyena. Biribillak egiten ez baita esaten bezin erreša.

Gañera, sasoi artan mauritarren izenarekin zebiltzan arditak, Pello-Españ'ek egiten zitubenak baño zatarraguak ziran.

Orain bai, orain biribill biribillak egiten dituzte; bañan beren biribiltasunarekin ikusi ordurako aidian dijoaz chistuba juaz.

¿Nork gelditu atzaparretan orren gauza biribillak?

Ala espain guziyetan ez daude itz abek besterik:

¡Chibotik ez!

Eta, beñere amaitzen ez dan guda odoltsu ikaragarria, Europa'n sortu zanetik berriz, len baño're diru geyago biar da bakallau puska bat jango bada.

Gaurko egunian jango bada, ziyon echekoandre batek, ez da azki ortzak izatia, dirua biar dalenbizi

¡Dirua lenbizi! ¡Ortzak baño're lenago!

¿Ez al da au gezurra dirudiyen egiya?

Orain arte aurrai lenbiziko ot tza ateratzeko gurasuak pozaren pozaz egoten diran bezela; emendik aurrera lenbiziko chanpona noiz sortuko zayen izan biarko dute pozik aundiyaena.

Bada diruik, ez badute, ¿zertarako dituzte ortzak?

Emen ez dago diruba besterik.

Gaizki diyot: emen dirurik ez dago.

Eta dirurik gabe ez da ezerchore arkitzen..... eztula edo alakoren bat ez bada.

Guziyya garesti dago, entzuten da egunero. Merke ¿zer dago orain? Gezurra, gezurra bakarrik.

Bañan gezurrakin ez dago zabela betetzerik.

Zabela beteko bada indar geyagoko gauza nai liteke.

Ortarako diruba biar.

Eta chibotik ez.

Ala lengo arratzaldian ziyon Košme Sangurru'k bere lagun bati:

—Begira akiyok, zer šardiñ ederra arrapatu duten.

—Bost baliyo dik, diruba itzuli juan bada.

A. DARRA.

